

# MAMI



## E UIGA I LENEI GASEGASE

O le mami o se faama'i pipisi e mafua mai i se vairuse. O le auga iloga o le mami o le fulafula o puna faua i lalo o taliga, ua ala ai ona le atapa'ia ma fufula le auvae.

I tamaiti, o le mami e masani o se ma'i e lē tigaina. Ae peita'i, o le mami e mafai ona mafua ai ni faigata aemaise lava i tagata matutua. O faigata e aofia ai:

- Fiva faiai (pisia o le ufiufi o le fai'ai ma le maea alio)
- Tutuli (mo sina taimi pe tumau)
- Encephalitis (fula o le faiai)
- Orchitis (fula o fuāmanava) i alii ua oo i le matua talafeagai
- Oophoritis (fula o le ovaria) ma/poo le mastitis o le (fula o susu) i tama'ita'i ua oo i le matua talafeagai

## FAAILOGA MA AUGA

O auga e sili ona taatele e aofia ai le fiva, ulutiga, musele tiga, lē lava, le fiafia i se mea'ai, ma ua fulafula ma le atapa'ia puna faua i lalo ifo o taliga poo le auvae i le tasi poo itu uma e lua (parotitis). O nisi tagata e maua i le mami e le tigaina pe leai ni auga. O nisi atonu e faalogoina le ma'i ae le fulafula ia puna faua.

O auga e masani ona amata i le 16 - 18 aso pe a te'a le pisia i le vairuse, ae o le amataga e mafai ona i le va o le 12 i le 25 aso.

O le to'atele o tagata e maua i le mami e toe malolosi atoatoa i ni nai vaiaso.

## FAASALALAU

O le mami e pipisi mai faua poo le vavale mai le gutu, isu, poo le fa'ai o se tagata o loo ma'i ai. E mafai ona faasalalau e se tagata o loo ma'i ai le vairuse e ala i le:

- Tale, mafatua, poo le tautala
- O le fefa'asoa'i o mea, e pei o ipu poo mea e faaoga mo taumafataga ma isi
- Tago i ni mea poo luga o mea mafolafola i lima e le'i fufuluina ma ua tagofia fo'i e isi

O tagata ua maua i le mami e sili ona tigaina i ni nai aso a o lei oo pe ina ua tuana'i le amataga o le fufula o puna faua (parotitis). E tusa ai ma Tulafono a le Setete o Hawaii, o le tagata ua maua i le mami e le tatau ona faatagaina ona auai i le a'oga, galue, pe malaga mo le 9 aso pe a tuana'i ona amata ona fulafula puna faua.

## SU'ESU'EGA

E fa'amautū le mami e ala i le tuufaatasia o auga, faailoga vaaia, ma su'esu'ega a le falesu'e toto. O tagata ua iai faailoga o le mami e tatau ona faafesootai vave le falemai.

## **TOGAFITIGA**

E leai se togafitiga patino o le mami. O le tausiga o tagata e maua i le mami e aofia ai le mautinoa ua lava suāvai e inu, malologa, ma le tausia lelei o le fiva.

## **PUIPUIA**

I lona tulaga lautele, o tagata nei atonu ua manatu e lē maua i le mami:

- Tagata matutua na fananau a o lei oo i le 1957\*
- O tagata sa fai suesuega o latou toto ma faailoa mai e puipuia i latou mai le mami pe sa maua foi i le faama'i
- O tagata o iai o latou faamaumauga tusitusia ua lava tui puipui o le mami (taga'i i le "Puipuia" o loo i lalo)

Ia mautinoa: O le mami e mafai ona aafia ai tagata ua mae'a ona tui puipuia pe seāseā maua ai i latou o e sa maua i le faama'i muamua.

\*Mo tagata o le falemai e lei tui puipuia na fananau i luma atu o le 1957, taga'i i le "Faamatalaga mo Foma'i" o loo i lalo.

## **LAMATIAGA I HAWAII**

- Aotelega o Vaega o Gasegase sa lipotia mai [http://health.hawaii.gov/docd/files/2016/05/2015-SUMMARY\\_NOTIFIABLE-DISEASES-BY-COUNTY-STATE-OF-HAWAII.pdf](http://health.hawaii.gov/docd/files/2016/05/2015-SUMMARY_NOTIFIABLE-DISEASES-BY-COUNTY-STATE-OF-HAWAII.pdf)
- Uepesite a le CDC Gasegase o le Mami ma le Pipisi: <http://www.cdc.gov/mumps/outbreaks.html>

## **PUIPUIA**

O le auala sili e puipuia ai le mami o le tui puipuia i le tausaga faatulagaina.

E tatau i tamaiti uma ona maua tui puipui e lua o le MMR e puipuia ai mai faamai e tolu: misela, mami, ma le rupela. O le tui muamua e tuuina atu i le 12 - 15 masina ma le tui lona lua i le 4 - 6 tausaga le matua.

O tagata matutua na fananau i le poo le tuana'i o le 1957 e tatau foi ona iai ni faamaumauga o tui puipui, sei vagana sa tui o latou toto ma iloa ai o loo puipuia i latou mai le mami. O nisi tagata matutua e maua le lamatia o le maua i le mami e ono manaomia le tui lona lua o le tui puipui o le MMR.

## **PUNAOA FAAOPOPO**

- Uepesite a le CDC: <http://www.cdc.gov/mumps/index.html>
- Pepa o Faamatalaga o le Tui Puipui o le MMR (Misela, Mami, ma le Rupela): <http://www.cdc.gov/vaccines/hcp/vis/vis-statements/mmr.pdf>

## **FAAMATALAGA MO TAUSIMAI**

Uepesite a le CDC: <https://www.cdc.gov/mumps/hcp.html>

E ao i falema'i ona vave lipoti atu gasegase masalomia o le mami i le Matagaluega o le Soifua Maloloina.